

建甌縣志

黃芝署
載



呈明卷127

請交換

第一冊

序修志姓氏
凡例
目錄
疆域沿革
圖

地310.117
42

部1-12

76735

福建人民出版社圖書館藏



建甌縣志序

福建省立圖書館藏

志書爲圖籍之一一統志本於各省通志通志本於各縣志則縣志之脩不可得而已也其間有關軍國重要故漢高入關元太祖定鼎皆以收圖籍爲先務蓋以四方阨塞戶口息耗凡一切攻守賦調之宜皆可按籍而得至於政教因革民俗淳梗其變通得失之故亦後事者之鑒也建甌爲先賢過化之區崇尚禮教必有正人君子鍾毓其際迥異流俗余丁卯暮春來茲鎮守斯土詢采風俗訪問耆舊與是邦之士大夫游深以志書未竟爲憾際斯戎馬倥偬賦役繁重度支告絀又無可籌之欸苟曠焉而不脩執筆文人日就凋落何所藉以爲興起用是益切徬徨嗣以縣長詹君化南勉爲籌畫薄有微資

建甌縣志

卷首

序

一

建甌芝新印刷所代印

得所藉手又幸脩志諸君各負其責不肯任其闕略茫而無傳雖曰因陋就簡間有斷漏不接此亦勢處無可如何徒呼負負而已大抵記載之事莫爲之前欲稽考而無由莫爲之後懼湮沒而漸盡茲幸校成有日將付剞劂諸君談及刊資缺乏余思志書爲一邑文獻所係甚大固當捐俸以助其成而答是邦士大夫殷勤之至意俾後之官斯土者有所藉以爲觀感焉是爲序

中華民國六年六月 國民革命軍暫編第三師四旅旅長盧興明謹序

建甌縣志序

建甌縣爲宋朱晦菴先生過化之區士習民情至爲淳美庶幾乎海濱鄒魯之風予以丁卯蒞茲土甫下車卽取邑乘觀之而建安舊志編於康熙五十二年癸巳甌甯舊志成自康熙三十三年甲戌迄今二百數十載矣二志年久失修清季及民六凡兩次修而未成篇章殘闕等諸若存若亡採風者憾焉今南北統一軍政告終訓政伊始民情風土資爲致治本原邑志之修烏能已也建甌自民國合併管轄二十五里地大物博徵文考獻此固守者之責抑亦賢士大夫之責也十七年戊辰春提議續修遵通志凡例分門三十有八於五月二日編輯至十八年二月告成昔呂覽春秋貽譏龐雜淮南烈解蒙

誚駁亂子長孟堅良史也而鄭樵恨其博雅不足且曰班固浮華專事剽竊是修志非難修志之人爲難修志而體例精覈爲尤難乃進建甌士紳而商僉曰先將建甌兩舊志合而修之兼增採訪舊稿可乎且義例是否精詳拾遺補闕後有作者自能討論因是而修飾焉且因是而潤色焉以俟來者我輩勿參筆削之權也予亦以爲然是編也比較今昔賦稅負擔之重歷述城鄉等處遭匪蹂躪之慘幾於聲淚俱下宰斯土者如何出民水火登之衽席衣食足而禮義興南閩闕里之盛庶幾其復覩於今茲乎因走筆書其顛末如此

中華民國十八年二月知建甌縣事古沈詹宣猷謹序

建甌縣志序

建甌邑於閩北爲衝繁歷代郡治所在建安甌寧附府而治民國肇興裁府並兩縣爲建甌誠有史以來一大改革然所改革者祇政事而已土地人民悉循其故疆域未嘗易其線里族未嘗徙其居也舊有建寧府志建安縣志甌甯縣志自清初康熙間修理各志迄今二百六七十年曠不復修光緒民六凡兩次修而未成上年詹前縣長爲倡於先諸君子執筆黽勉於後一匝寒暑犁然成帙分門三十有七爲冊十有二蓋建甌居閩上游綰轂贛浙凡四方阨塞山川險阻風氣強弱戶口息耗按而知索而得者志之圖籍也政教之因革良窳民俗之貞淫淳薄營建之存亡絕續詳考其變通得失之故及盛

衰消長之原志之紀事也至若名臣良吏理學經筵忠孝節烈官師縉紳高人逸士羽客縉流炳炳麟麟彬彬郁郁志之人物也余甫下車踵詹令後聿觀厥成竊以爲乏上下古今之卓識而與斯千秋不朽之大業何幸如之茲以付梓在邇修志諸君與余商酌梓費是不獨是邦賢士大夫之責抑亦守土者之責也天下事革其舊者必亟求所以補之而限於經費却顧徬徨一籌莫展一旦略得藉手卽實現其最初計畫與最終功效如此次修志殆建甌凡百事業之嚆矢乎一簣可爲山寸心足千古余於茲志也益信

中華民國十八年六月 知建甌縣事武陵劉達潛撰

建寧府志舊序

國家重熙累洽薄海內外罔不臣服幅幘之廣超越前代今皇上稽古右史左史詔天下郡國各脩邑乘宣付史館彙成一統志業已分曹珥筆旦晚竣事矣而建甯府志迄今未有成書予奉命來守是邦觀風問俗之暇進諸大夫士人諮詢之蓋舊志之脩乃前明萬曆壬子距今八十餘年矣中間郡司馬程君應熊雅意脩葺稿垂成以遷秩去曩者通志之役臺檄催督如風雨前守劉君芳標不得已以鈔本應自是凡有所需皆傭工繕寫者費煩苦而魯魚亥豕識者病之竊意建州七閩上游當江浙要衝山川清淑南宋之世名儒輩出稱海濱鄒魯數百年來名公卿先後繼起所稱文獻之邦也乃郡志因

建甌縣志

卷首

序

四

建甌芝新印刷所代印

循殘缺何以副聖天子一統車書之盛爰是禮聘紳士延問耆老舉前鈔本損益而折衷之芟其蕪蔓訂其舛訛補其缺略閱歲而始成余于是嘆脩志之難也蓋郡邑之有志猶國之有史作史家刪繁就簡酌爲統志非具才識學三長固未易語此然所執者諸道之成編所憑者已定之聞見用力少而成功多故足傳也若夫志則非可易易矣前人剏之後人因之或一人主之數十人商定之其勢不能無同異則創始難甌越僻處海徼洊罹兵火雖山川不改城邑如故然土田不能無荒闢也戶口不能無消長也賦役不能無盈縮營建祠祀不能無廢興也則蒐考難一時之官師人物是非未定予奪未明或其人近在耳目之間褒譏去留不能無瞻徇則持議更難于此而

欲折衷損益勒成信史即使龍門操觚班范載筆亦非可苟焉從事也然則志誠難而建之爲志不尤有難焉者哉今志之成也諸君子虛懷相勉詢謀僉同蓋其慎矣一編之中土田皆已墾治戶口皆已殷繁賦役皆已釐正營建祠祀皆已脩舉職官之賢否以輿誦爲衡先達之純疵以鄉評爲定卽節烈隱逸不敢忽焉事求其覈議取其公詞尙其馴雅雖不敢妄希信史然而增華踵美仰副聖朝一統車書之盛自今其無愧矣乎予旣幸建之有志從此當垂不朽而又歎時近百年人易數手遲之又久至予而始竣其事非偶然也因紀其實于此俾後之人知所考焉嗚呼難矣是役也鄉先生司理謝君銓爲祭酒而豫章鄒君山耆逸徐君謙佐之分纂則孝廉潘君金卣陸

君登選余君志鞏校正則明經朱君士燿太學謝君超宗而肇其始者郡博蔡君登龍董其成者甌令鄧君其文也共勦厥事者建安令李君和雨建陽令劉君鴻誥崇安令楊君雲鵬浦城令金君耀松溪令沈君煥政和令李君仙品壽寧令呂君方高皆與有助焉例得並書康熙癸酉仲秋上浣之吉賜進士中憲大夫知建甯府事穎川張琦撰

建安縣志舊序

凡事之難不難於事而難於人蓋樂於有爲者其視事固無難也建安縣志一書自前戊子兵燹其原板燬棄無存迄於今六十餘年矣而前此之蒞斯土牧斯民者皆因循退縮不一舉修之殆甚難乎其爲事也歲壬辰春仲余奉命來守建州入閩地山川覽其風土衣冠文物固彬彬然鄒魯之鄉也蓋建郡處閩之上游接仙霞之勝挹武彝之奇毓秀鍾靈甲於全閩是以宋室名賢蟬聯鵲起昌明理學善俗遺風迄今遺響留徽猶是當年教化余也幸履其地而穆然於數伯載之前徽不禁神遊往昔邈矣遐思也而獨是此邦之風土人物不一而足未易悉舉宜無不於志書備載之顧府則有志矣卽所屬

建甌縣志

卷首

序

六

建甌芝新印刷所代印

之甌陽崇浦松政壽各邑亦無不有志矣而建安爲建郡之首邑考其志獨無有問其所以則曰火於兵也計其時則自前戊子至今六十有餘歲也噫異矣凡事有不可爲不能爲及不必爲者皆不妨且暮以置之而若夫志也者記載明而風土於是乎著敘述備而人物於是乎彰是非不可爲者也考往昔之遺文集衆人之公論是又非不能爲者也而且疆域於是乎定賦役於是乎明寬猛得失之政於是乎知貞淫正變之風於是乎悉是更非可以且暮置之而不必爲者也奈之何以六十餘歲之久蒞斯土牧斯民者不知凡幾而皆因循退縮不一舉修之是固有心者於此所不能釋然者耳且夫邑之有志猶國之有史也史以記其世會之盛衰人事之興廢禮樂刑政

之得失而志則記夫一都一會一區一隅之山川城郭人物風土與夫興建所自始教化所由及莫不詳悉而備載之是故省有通志府有郡志縣有邑志俾世之採風者按籍稽之而可以知此邦之山川城郭也人物風土也興建所自始而教化所由及也不戛戛重之哉奈之何以六十餘歲之久舉而修之者甚難其人耶今幸癸巳之秋知建安崔君造予而請曰邑之有志猶國之有史也誠不可以一日廢而建邑之志廢棄者久矣某也亟欲舉之而初未逮也今且索其遺書質之衆論且證之以數年來簿書期會之所見聞而竊以爲事有可行者謹已叙列成帙其間山川之位置城郭之建興人物之發祥風俗之習尚何者爲當代之芳徽何者爲近時之殊節何者爲民

生之休戚何者爲教化之盛衰產宜何植任土之貢不窮政以何先因時之宜而制條分縷晰備識無遺其庶足爲此邑之載籍乎余顧之而欣然曰此固建邑不可一日緩之事而前此六十餘歲皆未舉行耶前此六十餘歲未能舉行之事而子今顧一旦行之耶不於斯土於斯民有厚幸乎吾于是止樂有以觀子之成而羨子之能爲其難也嗟乎士君子處不可爲之地則已矣居可爲之地值得爲之時而不汲汲以有爲焉則其於事也誠難矣然究非事之難也自因循退縮者處之而卽以爲難也吾故曰不難於事而難於人也是爲序康熙癸巳仲秋上浣賜進士出身知福建建寧府事前吏部考功清吏司郎中翰林院庶吉士西川張翔鳳南野氏題於居敬堂

建安縣志舊序

粵稽禹貢敷土而天文地理區域各奠既又鑄鼎象物昭示來茲厥後班孟堅師其意始爲地志迄今踵而行之所從來遠矣然自秦漢以還世代屢遷所在州縣或闕焉而不志或志焉而復湮我皇上聖德神功洋溢內外遐荒異域無不盡隸版圖車書之盛亘古未有爰命詞臣特纂大清一統志又簡在廷寮案分歷天下郡縣相度山川道里遠近風土淑慝繪圖以進是古王者採風盛典復見今日然所藉以爲徵信地者於邑乘端賴也余自戊子蒞建歷其土疆察其風俗儒先過化之邦流風餘韻猶有存者及訪求邑乘則六十餘年來未有成書心竊疑之詢之縉紳士庶僉謂戊子兵燹遭燬之後生齒

未復吏茲土者往往以歲賦考成未暇煖席輒問林泉雖有意成編要皆爲時勢所阻耳余聞其言不覺三太息曰甚矣吏之難也旣而憮然曰志之闕吏之差也矧閩雖海濱夙稱鄒魯建州爲九閩上游而建安又建州首邑人文財賦頗甲東南顧未有專志莫得播傳使四方往來冠蓋以及商賈行旅履其地不識聲名由其途貿然風物豈惟貽譏大雅如施政之失要何余謬不自揣日進父老子弟宣聖德恤民依其或利有未興則謀何以興之弊有未去則謀何以去之忘寢食宵旰而不憚爲吾建圖教養計生安者蓋六年於茲矣賴皇上德化各憲恩培幸時和年豐民生樂業乃乘餘暇興言纂輯請之郡憲卽蒙報可延邑紳陸君登選孝廉魏君纘緒張君觀海馬君肇

樞林君廷璧明經潘君宏太學謝君超宗諸生朱君玉共襄厥事諸君子虛衷雅意分類校讎遠蒐近討寧慎毋忽寧嚴毋濫甫月而書成用付諸梓嗣是而攷其形勝則城郭山川鞏固規制如觀也覈其人才則忠孝節烈兩間正氣常存也問其土田徵其冠裳則瑤琨篠簜官師紳士靡不郁郁彬彬有法而有則也其載祀典者道德勳猷悉關世教其列藝苑者詩詞記傳摛裨人心而且高人逸士莫非典型羽客縉流亦皆古處是誠好惡無偏綱目具備舉六十餘年之闕典至余而勒成一書上供輶軒資其採擇下留草野昭其勸懲此固吏茲土者職分所應爲而返諸下車以來之初心庶幾可以無憾矣若曰邑乘猶之國史惟兼有三長者能踵事增華請以待繼起之君

子余不敏端有厚望焉是爲序康熙五十二年歲次癸巳仲秋穀旦鄉進士文林郎知建寧府建安縣事加一級仙源崔銑撰

甌寧縣志舊序

建州自漢設南部都尉文物鬱興歷晉唐迄南宋千有餘載前此未聞有志也有之太守韓公元吉始甌爲郡之右翊自宋治平析置迄今茲七百有餘歲前此未聞有志也有之邑尹鄧君次廬始夫事不難於因而難於創然創者難矣而因之亦非易易夷考韓志一書若玉笈丹函遙遙世表卽明季宏嘉萬三志篇章殘缺亦等之若存若亡中徒使探風君子憑弔低徊雖曰能言其何徵之與有我朝大一統之治名公繼纂草率彙稿然建置不因乎時筆削稍失其實予甚惡焉于是博徵文獻訂訛剔謬閱歲月而書成曾弁一言而授之梓隱若有數存焉未敢居其功也次廬以肆應之才彊敏之力而肩極

建甌縣志

卷首

序

十

建甌芝新印刷所代印

衝極繁之任百凡敷布類有可觀其大者如遷學宮建書院世之人咸目爲迂闊而遠事情者次廬汲汲然若簿書期會考成之集不遺餘力而乃底於成是豈尋常吏之所能爲者而况邑乘一書尤屬千秋不朽之大業乎今披是志讀之典而要經學焉謹而嚴有史才焉其追溯沿革討論山川表彰人物以至大書分註正例變例皆具有上下古今之識以是而勒爲一邑春秋夫誰曰不然猗與偉矣嗟乎郡志經數賢彙稿之後至予而克相其成甌志爲歷代未有之書至次廬而克善其始因與創不同同歸于信雖然信史未易言也孟堅訊子長之非紫陽易涑水之例子二人安敢倫此惟望世之君子正其訛指其謬以其理考之將有大筆削而論定者予與次廬所願

從事而就止者也是爲序康熙癸酉仲秋上浣之吉賜進士中憲大
夫知建寧府事潁川張琦撰並書

建甌縣志

卷首

序

十二

建甌芝新印刷所代印

甌寧縣志舊序

彙邑而爲郡統郡邑而爲天下綜其人與事而臚之則爲史析其人與地與事而核之則爲志志與史不均重歟然則有史而無志可乎曰不可史以經之志以緯之無志則勢而不貫然則郡有志而邑無志可乎曰不可郡以綱之邑以目之邑無志則缺而不周志顧不重乎哉建州地介衢廣居閩上游自漢置都尉迄五代王氏常與福州並峙稱雄其附郭曰建安曰甌寧閩郡邑別無以甌名者按漢元鼎中閩與甌並稱王相攻擊豈亡諸餘善時特藉此控制甌越耶抑此地曾爲甌屬耶果爾則宜有載籍可考而自分邑以來垂七百載諸邑有志而甌獨無有司者率弗問至康熙丁卯寶水鄧君蒞斯土慨

建甌縣志

卷首

序

三

建甌芝新印刷所代印

然創舉其事七季而成書以示余余讀之終卷而不禁三歎其難也其難之奈何曰經始也採葺也考訂也今吏途亦多艱矣張皇於令甲竭蹶于催科卽有志從事而意不專則輟力不逮則輟政不暇則輟故曰經始難郡邑已成之書數十年增修之且多缺略况乎世遠人湮簡已蠹事已佚收近遺遠掛一漏百故曰採葺難士君子考證一名一物或傳聞失實引據失義往往貽識者笑若天文之幽渺山川之改移田賦之消長姓名氏族之顯晦剖譌錄真去俚存雅孰從爲之論定故曰考訂難而鄧君則探索權輿麟次櫛比孜孜矻矻迄於有成嗚呼又豈其難耶雖然余聞古者太史輶軒採士女謳詩以觀民風之貞淫淑慝士大夫登高遇物流連賦詠皆所以資於從政

而垂諸無窮今觀是書可以考風俗可以恤民隱可以溯理學之源
流可以表先民之模範可以占形勝而戒不虞則是志也固非僅以
採葺考訂之難而侈其博洽鑒衡已也夫亦猶行古之道也國家當
文明郅治之日方詔方州大吏招實學羅舊典裒爲通志以垂不朽
得是集而七閩始有全書意將來淵雲遷固之彥珥筆執簡炳炳麟
麟且必有取資於是以致成一代之鴻業者則有志如鄧君卽亦可
備循吏傳中之一人矣而君固非有意于斯也請以俟後之良吏康
熙癸酉季夏八閩督學使者徐孺芳拜撰

甌寧縣志舊序

今天下大一統矣薄海內外悉隸版圖唐虞三代以來歷漢唐宋以迄元明幅禰之廣未有若斯之盛者也迺者天子特命文學之臣纂修一統志書茂昭同文之治大小臣工罔不勵翼廣羅羣書旁及家傳甚盛典也以是畿輔有志省會有志下及郡邑莫不有志有司上之郡守上之藩臬上之督撫以獻之朝廷登之史館以資考鑑贊成一代鉅典志之有關文治顧不偉哉閩省處天下之東南雖阻山濱海提封甚促亦海上一大都會也而建州北接兩江爲全閩門戶其屬八建甌皆附郡郭邑各有志而甌獨無之蓋甌自宋元祐間始爲建置數百餘年遞罹兵火僅附乘於郡不幾爲缺典矣乎鄧令來視

建甌縣志

卷首

序

古

建甌芝新印刷所代印

縣事視邑若家諸如課農育士矜老卹孤鋤強扶弱數大端班班可觀而尤急於修廢起墜以邑乘告缺爲兢兢朱紫陽守南康下車卽詢郡志驗民風以施政教論者以爲知所務若鄧令者可不謂知務乎書成請序於余余分蒞茲土風紀攸關凡政治之得失守令之賢不肖與有責焉鄧令銳意圖治克盡司牧之職有書若干卷可無一言列於簡端而概以不文辭乎嘗攷禹貢敷土而知地之剛柔肥瘠以定厥賦之上下周官辨方而知山林川澤之高廣以輔相其宜詩陳列國之風謠而知士女之貞淫賢士大夫之升降興夫鳥獸草木之殊情變態是經也而實開後世圖誌之端矣隆古無志非無志也有經而志已括也厥後風氣日開疆域日廣治有專志勢也殆因經

而起義者也茲當景運方隆文教覃敷遐荒異域無不負版來王使介在一區而其地之城郭宮室山川陂池土田戶口物產貢賦與夫忠孝節烈之實蹟藝文學校之表章古聖先賢之遺踪漫然無所記載一旦輶軒至止問形勝不知問風俗不知問人物不知其何以無忝厥職成雅化佐昇平而報政於有道之世乎是甌志之成非但爲甌幸也鄧令洵知所務哉余因之有感焉城郭完繕矣保無傾圯於山澤者乎其堪爲保障於無敵者當奚若也山川無改矣其險要阨塞當復何以修備也昔也土田欲其墾戶口欲其增今也耕耨何以勿使失其時丁壯何以勿使墮其業乎土物何以使不匱而國賦何以使之勿傷於逋也忠臣孝子烈女節婦以至大儒之著述於名山

大川間者在昔何其多而今何少也古之民淳以樸今也良頑雜處而僻山窮谷容有避徭逃賦狐鼠竊發著又將何以化之也語云作於前卽思善於後繼此修救之勞作育教養之法因時制宜神明而變通之賢有司之事也鄧令勉乎哉脫也戶口日登而毋耗人材日盛而毋衰民心日正而毋邪風俗日淳而毋漓教化日隆而毋替漸而漬之化成俗美可大可久爲諸邑倡將報績稱最卽以是而上之藩臬上之督撫獻之朝廷登之史館庶幾仰佐文明之化而無愧則是書也不與治道大有裨益也乎是余之所厚望於鄧令者也鄧令勉乎哉是爲序康熙三十三年歲次甲戌春王正月吉日分巡延建邵道按察司副使加二級東海黃道行撰

重修建甌縣志凡例

一建安甌寧舊各爲志今合而修之稱曰重修建甌縣志立表二纂志二十三立傳十一雜錄一每門弁以小序揭石大指

一志中所有各門事實悉取舊志康熙以後至民國十八年爲止掇拾叢殘保存舊典添增新知至各里路梗採訪無人補闕之任冀諸來者

一舊志四境城郭縣治儒學聖廟賢祠各繪一圖而山川鄉里分布於四境圖內究不詳明今建甌合併繪建甌四境圖一城市圖一各里圖二十有五庶建甌山川形勝一披覽而瞭若指掌

一舊志名目不符有相近可以移掇者概從新例編列餘亦觸類旁

建甌縣志

卷首

凡例

一

建甌芝新印刷所代印

通應有儘有至于警察交通刑法外交金石實業度支各門爲舊志所無者補之庶與通志凡例相符

一修志之病施愚山有言頌長吏則諛傳先達則誇紀名勝則附會撫文辭則浮蕪書取速成事多駁愛憎蠱起牽掣患生是役也採于舊志請託不行誇諛牽掣庶幾免乎惟速成之弊實艱于時識者諒之

一人有事實方能立傳各傳中據事直書悉經審慎求其名實相符庶足信今而傳後

一傳忠義以慰國殤傳列女以昭賢節其間誓雪國恥奮不顧身博愛同胞主持人道者尤屬卓爾不羣秉筆者於此特詳焉